

集

菴

集

五

欽定四庫全書

集卷十二

元 同恕 撰

七言律詩

次耶律左丞元日早朝韻

香霧霏霏濕玉闌五雲仙佩響璫環春迴鳳竹參差裏  
喜動龍顏咫尺間壽域乾坤開六合蓬萊宮殿壓三山  
臚傳聲遠從天下更覺唐虞日月閒

紫陽故居

帝鄉渺渺白雲深絲竹猶聞燕坐音喜見舍人還白璧  
忍令校尉摸黃金淵源孔孟平生學酬酢義皇萬古心  
聖代斯文有公議合留華表映來今

題劉伯珍竹軒

歷歷當軒數十莖氣分千畝渭川雄歲寒於我有成約  
一日如君不可同疎影月來金破碎寒聲風入玉玲瓏  
作詩為問丹陽尹時楊叔行主醴泉簿談笑能過避俗翁

登義谷有懷郝復禮雷季正

器宇眈眈未可涯。靄然風度足雄誇。論交久已心相許。  
講會應憐跡。獨賒雲斷水。涵天影閣樹分山。帶岸容斜。  
相思不盡徘徊意。一片歸心逐暮鴉。

贈張司馬

巖巖秦府殿。西垂山玉淵。冰采不遺人物已。雄當世。望  
英華。獨見士林推。龍旂虎帳奔。趨地貂羽金。蟬顧問時。  
飲食易為饑。渴後春風看。染杏壇枝。

道遠兒生六七年矣七月逢閏

聚為父子荷天恩憶昔前裾復後襟有子有孫承祀遠  
聞詩聞禮發源深相看彼此星星髮一念晨昏耿耿心  
初度願伊逢十閏老夫勝備買書金

送萬御史雲南僉事

依依惟有戀行軒老詩何人敢贈言指下宮商能緩急  
胸中涇渭了清渾幾時上駟容凡馬自古忠臣出孝門  
旰食宵衣九重裏天南天北盡元元

偶成

天意人情不兩歧。禍淫福善更何疑。眼前事事須量力。  
身外悠悠枉費思。靜對詩書探道要。閒過朋友訂心期。  
百年憂患居多半。却恐光陰得幾時。

送文璋甫雲南幕長

玉壺寒露映簪紳。秦府潭潭入幕賓。九澤釀成胸次闊。  
五雲裁就筆頭春。便為鰲禁登瀛客。且作邛鄉叱馭人。  
後夜相思渺。何許西山晴雪鬱嶙峋。

戒言

戶在園樞努在機，關身寸舌莫相持。  
仁而不佞斯為美，信有其徵乃可師。  
多寡屈游宜自省，設淫邪遁會人知。  
九原可作吾誰與？時措從容公叔枝。

送傅彥升雲南省幕

英烈江東信不忘，隱然眉睫見堂堂。  
佐州有愛形歌頌，議獄無冤著吉祥。  
綠水紅蓮開偉觀，黃金白璧發珍藏。  
幕中得士須如此，聖治何分遠近方。

送雷季正都事

粲粲安榴花滿枝西臺空幕送君時謝安本為蒼生起  
賈誼元從年少知下馬除書應得拜登車攬轡不容辭  
病身寂寞誰憐我明日愁來獨詠詩

送韓都事

西北藩垣控上游望深黃屋不貽憂政符分握調元手  
賓榻願居第一流已向艱難知氣節更從整暇得才猷  
關河未信鄉書遠幾日西風鴻雁秋

寄雷季正都事

別來又是一年餘每就行人得起居潦倒麤疎無我似  
聰明特達有卿如九關虎豹青雲路半世蟲魚汗簡書  
爭道進賢相誤却此心不忍頓拋渠

蒙氏貞節

塞雲杳杳雁飛深三十年來百苦心頭上無情空白首  
眼中冇淚鑄黃金老人不乏兒能養小子常如我見臨  
華表清風一千載鬼神呵守映來今

送喬元朗運副

許國崢嶸自昔年長才隨用合方圓盛名已入策書例  
餘事猶居翰墨先補外贊須籌劇務留中端合簉英羣  
馬蹄三月桃花路去去脩門五色煙

送龔子翹入蜀

夜雨青燈半世忙五千文史飽撐腸風流又倒中郎屣  
人物曾登祭酒堂匹馬蕭蕭雲棧雪短歌混混渭城觴  
浣花遺築應須到為摘江蘿酌酒漿

送王君冕赴試京師

筆端清氣灑秋泉  
刺覺乾坤賦予偏  
王者四靈纔紀瑞  
日華五色果成篇  
刀經錯節敢言利  
玉入洪爐始信堅  
孔氏不殊今古世  
敬王事業要人傳

又送王在中赴試京師

聖主憂勤圖治日  
人才推擇輒耕年久  
知德行符鄉譽  
更喜詩書得士賢  
分定果誰能巧拙  
論功當自有媸妍  
太平萬古吾儒策  
明德新民第一篇

和張巨濟總管韻

託跡堯民在邑廬但求寡過敢求全進修畢竟工夫淺  
賦予何嘗造物偏分死已停扶疾藥忍饑不續貢書錢  
形骸自有天真在只許鄒人會得仙

賀任節君

并序

任氏二母淑德懿範古之母師殆無以過國家高其  
節行樹表宅里以為民俗勸甚盛舉也某密邇鄰居  
聞風欣躍敢以四韻奉賀

華表峩峩起路傍一門誰有兩共姜蘭朝蕙夕爭芬馥

桂冷松寒共久長地下機雲能飲德筆頭遷固會傳芳  
朝廷論治先風教婦學于今得主張

寶母訓導圖

長記升堂拜母時春顏一拗剩溫慈鄰芳何世無形管  
庭草誰家有玉芝良冶良弓千載事如賓如友百年期  
何當一遇觀風使為誦周南被化詩

高燈

火齊龍宮不見收海風吹上碧雲秋光搖寶色三千界

影落珠明十二樓  
陽燧半空留日鑒  
飛黃一點失星球  
風流都入繁華手  
誰念隣牆把卷愁

送鄭國華管勾

良世良才豈下沈豫章  
劖氣九泉深葱葱佳氣山含玉  
炯炯明心目鑄金往事何堪重迴首  
殘年最苦是分襟語君善養雲霄翮  
再舉當遺萬里音

送張知州

并序

夷簡節使葭州之政無愧古人來歸未幾輒復南行

一子名以同祖蓋欲託為吾家諸甥且有來秋聚首  
鄉社之約余惜其別之遽也猥語見意庶不盟寒乎  
五馬駢駢快作州崑崙之水尚安流一錢父老劉宗正  
百騎兒童郭細侯尊俎未成聯詁榻尊鱸蚤似促行舟  
祖兒弄舌如春鳥洗眼明年太華秋

送劉善文雲內知州

孝子忠臣備一身今誰能見古須聞九秋不礙遼東翼  
萬里應空冀北羣又作風流前輩想定知消息故園欣

兒童竹馬城南路還見吾家太守君

送蒙郎中任濮州

如何省幕輒賢賓  
守令朝廷注意頻  
水旱連年多下戶  
網羅無罪少平民  
幾時卓魯虞臨制  
此日龔黃得拊循  
聞說兒童調竹馬  
濮州花柳待迎春

石榴

尚想猩紅點綠苔  
墜枝佳實已枚枚  
九秋清露含珠滿  
一夜新霜梨錦開  
丹鼎漫誇鉛汞就  
金盤虛薦荔枝來

茂陵應為文園渴天上移根地下栽

次韻酬程悅古先生

煙霞蹤跡眇人羣萬古詩書一小軒紙上聖心懸白日  
囊中神劍試黃昏杏筵時雨留榮潤芹俎春風薦德溫  
難老錫公天有意何當重欵渭陽村

壽樂堂為賀平章賦

德邵年高五福全姓名共說賀公賢從容聖道無踰矩  
嘯傲蓬壺別有天閒裏久諳雲水趣靜中獨養鶴龜年